

U vezi aktivnosti pripreme, implementacije i praćenje strategije razvoja Općine Travnik i u skladu sa Statutom Općine,

1. **Općina Travnik, koju zastupa načelnik Općine Tahir Lendo.dipl.ing.**
2. **Internacionalni Univerzitet Travnik, Bunar bb, kojeg zastupa rektor Univerziteta prof.dr. Ibrahim Jusufrić (u daljem tekstu:Univerzitet)**

Dana 08.04.2011.godine potpisali su s l i j e d e ć i

S P O R A Z U M **o uspostavljanju poslovno-tehničke saradnje**

Član 1.

Ovim Sporazumom uspostavlja se saradnja između Univerziteta i Općine Travnik kao lokalne zajednice na čijem području Univerzitet ima sjedište a radi privredne, kulturne i turističke saradnje.

Rješavanje izazova današnjice neminovno dovodi do uvezivanja lokalne zajednice sa kapacitetima koji na njenom prostoru djeluju pa tako i sa Univerzitetom.

Potpisivanjem ovog Sporazuma stvaraju se preduslovi za rješavanje određenih problema na prostoru lokalne zajednice vezanih za djelokrug rada Univerziteta te se i na taj način doprinosi poboljšanju usluga, standarda i kvaliteta života u lokalnim zajednicama.

Član 2.

Univerzitet će u saradnji sa ovlaštenim predstavnicima Općine organizovati različite stručne i naučne skupove u cilju razvoja i poboljšanja kvaliteta visokog obrazovanja u SBK.

Univerzitet će u sklopu svojih aktivnosti pružiti i sve dodatne edukacije iz oblasti svog djelovanja za sve zainteresirane unutar lokalne uprave pa i šire.

Član 3.

Univerzitet će stajati na raspolaganju i za izradu različitih projekata koji će doprinijeti sveopštem poboljšanju razvoja privrednih i društvenih djelatnosti SBK, što će rezultirati uspješnijim djelovanjem i njenim značajem za Općinu Travnik kao lokalnu zajednicu.

Član 4.

Univerzitet se obavezuje da će dati punu podršku i naučnu pomoć na svim privrednim i društvenim poljima u okviru djelatnosti i naučnih oblasti koje obuhvata a sve u cilju razvoja prvenstveno Općine Travnik i SBK.

Univerzitet je otvoren za primjenu svih inovacija i novih tehnologija u rješavanju savremenih izazova i da u tome primjenjuje najbolju praksu koja je u djelatnosti Univerziteta.

Član 5.

Univerzitet se obavezuje da će prije realizacije bilo kakvog oblika saradnje, predhodnom pismenom obavijesti obratiti se Općini Travnik, iznijeti svoje namjere, predložiti način

rada i dinamiku i u saradnji sa nadležnim predstavnicima Općine Travnik sačiniti plan realizacije konkretne saradnje.

Član 6.

Općina Travnik se obavezuje da će nastojati stvoriti određene predušlove kako bi se pokrenuli određeni koraci za realizaciju raznih projekata na području Općine i SBK i raditi na podršci, unapređenju i razvoju visokog obrazovanja na ovom području.

Član 7.

Ovaj sporazum treba da omogući čvršću vezu između Univerziteta kao visokoškolske ustanove i Općine Travnik kao lokalne zajednice i proširenje saradnje na druge općine regiona dajući mogućnost Interanacionalnom Univerzitetu Travnik da dobije svoje mjesto i ulogu u svakodnevnom životu i ostvarivanju strateških ciljeva Općine i ciljeva samog Univerziteta.

Potpisivanje Sporazuma treba da predstavlja temelj za omogućavanje ukupnog društveno-ekonomski razvoj i napredka i lokalne zajednice i Univerziteta.

Član 8.

Izmjene i dopune ovog Sporazuma mogu se vršiti isključivo i samo uz pismenu saglasnost oba potpisnika i zaključivanjem anexa na ovaj Sporazum.

Član 9.

Ovaj Sporazum je sačinjen u četiri (4) istovjetna primjerka od kojih svaki potpisnik zadržava po dva (2) primjerka.

Član 10.

Ovaj Sporazum stupa na snagu danom potpisivanja i bit će objavljen u „Službenim novinama Općine Travnik“.

Općina Travnik

Internacionalni Univerzitet Travnik

Načelnik

Rektor

Tahir Lendo, dipl.ing

Prof. dr. sc. Ibrahim Jusufrić

Broj: _____ /11

Broj: _____ /11

U Travniku, 08.04.2011. godine